

Scheibenschlagen

2014

Nachname Vorname

Löschgruppe Graf-Gurnau

Grafer Kapelle

Liabe Leit, heint mecht mar enk olla schia begrießa,
wos d' rnoch iatz kimmt, sell kuan verdrießa.
Noch oltem Brauch tia mar ou Böller schiaßa.
A Verübl, dös war ins gor it recht,
a Hetz muaß sei, wega dem tia mar's decht.
D'Fuirwehr tuat enk in dr Noat olli halfa,
drum seits it beas und lot'sas galta.

Die earscht Scheiba, die hella,
keart dr Grafer Kapella.
Daß dr hl. Johannes von Nepamuk weiterhin über ins wocht,
und in dr letschta Stund für olla a Fürsproch mocht.

Da Böller hobts keart, iatz gia mar's on,
zearscht keima huiru d' Gurnauer dron.

Bürgermeister & Vize Lutz Thomas Sieß Reinhold

Mit deara Scheiba, dia miar iatz auða schießa,
tia mar in Bürgermeister uns sein Vize begrüßa.
Huiru miaßa mar die zwoa fescht loubu,
weil iatz kenna mar endlich an insert Fuirwehrrhalla-Umbau gloubu.
Mit'm Bauplan und ara Kostaschätzung die zwoa in'd Landesregierung sei
marschieret,
und der Geisler hot wirklich a Gald spendiert.
Dass der Bau ou bald beginnt,
a Raketa und an Böller iatz auf Grins aua singt.

Thöni Maria

D' Maria hots deas Johr in die Stonzerleita verschloga,
dett wohnt sie iaz beim Bua und kann nit kloga.
Trotzdem wella mar dir a Sprichli schreiba,
damit du ins alli in Erinnerung tuasch bleiba.
Wir wünsch dir viel Glück im nächsten Johr,
und hau dia Scheiba weit auða deas isch ja klar.

Fam Juen Klaus Anna

Deas Jahr hoba sie in Klaus fürs Kapali ongagiert,
weil er isch beim umbauen recht talentiert.
Mit'm Helmut hoba sie das Fundament betoniert,
unter der Aufsicht vom Engl der alles fleißig kontrolliert.
Zwischendurch isch bei enk des Jahr ou die Steffi gmeldet gwesa,
gung Plotz hobat'sja auf enkerem Anwesa.
Zum Abschluss wünsche mar enk viel Glück im neuen Jahr,
und lossa dia Scheiba weit fliaga, deas isch ja klar.

Autohaus Maschler

Beim Maschler gibts ou deas Jahr nit burtal viel zum berichta,
sie tian wia alli fleißig und sauber die Autos richta.
Dr Gerald tuat ou gera auf'd Jagd gian,
und da isch holt an echta Pajero recht schian.
Guat gepflegt vom Autohaus tuat der guate Dienste verrichta,
und ma kann ou guat Heu fürs Wild am Anhänger schlichta.
Dir und deiner Firma wünsch mar viel Glück im nächsten Jahr,
und an guata Umsatz deas isch ja klar.

Fam Siegele Waldemar & Ruth

Deas Jahr hoba mar was erfreuliches zum schreiba,
dia zwoa sella nit alluna in ihrem Haus bleiba.
Die Tochter und ihr Partner ziache wieder daher,
und schua sei sie kuan zweier Haushalt mehr.
Dr Waldemar hot in obero Stock perfekt saniert,
und zwoa drei Socha guat repariert.
Wir wünschen enk viel Glück unter einem Dach,
und lossa an Böller ab mit viel Kroch!

Fam Juen Josef Paula

Dr Seppl hot sich huira miasa a nuis Auto zua leiga,
weil sei oltes hot endgültig da Geist auf geiba!
Du hosch die wieder um a Jeepli umgschaut,
und der Suzuki hot dr nocha am besta taugt!!
iatz hosch sogar uan mit ma Fetzadoch,
also konnsch sogar a Cabrio draus mocha, des isch a feine Soch!
Miar hoffa dass des Auto iatz wieder a Weil funktioniert,
auf des enkre Scheiba no weit oa fliagt!

Fam Juen Hubert Erika

Iatz loss mar no a Rakeita in Himmel au marschiera,
ou miar wella am Hubert no nachträglich zum 50er gratuliera!
Sou an runda Geburtstag muass ma feira, des isch klor
drum hosch dar a Zelt in Gorta baut, weil do feiert's sich wunderbor!
Jo und nocha miassats gfeiert hoba bis in dr fria,
weil do hot ma die letzta Leit gsecha huam ausi gia!!
Miar hoffa es hobats am negsta Ttog kuan z' festa Kotr kriagt,
auf des enkr Scheiba no weit oa fliagt!

Juen Julia

Des Leba als Vegetarierin isch zwor guat und recht,
ober Fleisch am Teller kann decht nit sei so schlecht.
Drum hot di Julia wiedr für sich entdeckt,
wia guat so a Currywurscht schmeckt.
So a Bratli oder a Wiener Schnitzel,
isch decht zwischadurch an Gaumenkitzell!
Als Verkäuferin isch du Julia auf oll Fall an Gewinn,
ob beim Patscheider oder beim Schnops verkoufa als Marketenderin.
Wia ma mit dr Kundschoft umgiah muaß, woäß si gonz genau,
drum schiaß mar no an Böller obadrau.

Juen Johannes

Dia Saisonbugglerei geiht im Johannes auf'd Nerva,
drum hot er miaßa auf den Job da Huat drau wearfa.
Iatz arbeitet er beim Grissemann in Zoms, do muaß er nit weit fohra,
wohna tuat er im Hotel Mama, do kann ma si ou viel drspora.
In dr Freizeit geiht's dr Johannes gmiagtli on,
und hockt studalong beim Computer, der goate Monn.

Juen Anna-Lena

Ja über d'Lena da gibts viel nuis zum berichta
da woas i gar nit wo i anfangen sell zum dichta.
Sie hot iatz nimmer fest miaßa für die Matura studiera
zum erfolgreichen Abschluss mehta mir dir no gratuliera.
Um an Job hat sie ou nit lang miasa suacha,
iatz tuat sie im Tourismusbüro in Anton die Gästebetten verbuacha.
Im Sommer hosch mit deem Schatz no a paar Tag in dr Türkei genossa,
und hasch sicher um deine Freindinna verdrossa.
Dass fürs Jahr 2014 a no viel von dir dafraga
wera mar iatz no a Scheibe weit ocha schloga

Fam Schmid Helmut Linde

Am Onfong lossa miar a Raketa marschiera
Und tian d'r Linde und dem Helmut zur goldenen Hochzeit gratuliera.
Zur Feier hoba sie sich a tolle Reise spendiert
Und sein bis zum Nordkap kutschiert.
Dia Mitternachtsonne hot sie sicher fasziniert
Und d'r Helmut hot auf deara Roas ou viel fotografiert.
Dahuam hot er nocha die Foto ong'schaut,
dabei hots ihn foscht vom Stuhl ochag'haut.
Kuan Foto wor auf dem Aparat mia drau
Wo hosch dia schian Foto hingraunt ? - frogt er sein Frau.
Da konsch sicher niemand a Schuld geba,
weil bei dena nui Fotoapparat muaß ma holt a Speicherkartli inlega.
Iatz setsch holt noumol zum fotografriere aufs Nordkap fohra,
deas hatsch dir kenna leicht erspora.

Fam Schmid Harald Angelika

Fußballspiela tuat d'r Harald schua lang,
lei irgendwann isch es besser wenn ma steaht hinter d'r Trainerbank an.
Damit ma die Mannschaft ou kann richtig trainiera,
muaß ma davor an Ausbildungskurs absolviera.
Drum tuat d'r Harald iatz zum Fußballtrainer die Ausbildung macha,
da kann ma für's Training sicher lerna an Haufa Sacha.
Miar hoffa du tuasch dei erworbenes Wissa ou für die Fuierwehr nutza,
und beim nächsta Fußballspiel in Gegner mit'r b'sondara Taktik verduzta.
Für die als ältesten Teilnehmer des Kurses lassa m'r an Böller explodiera,
und hoffa daß deine Mannschaften olli als Sieger vom Platz marschiera.

Schmid Daniel

Dr Daniel hot mit seina Koleiga in Spanien Urlaub gmocht,
und hot da natürlich ou a Tagli am Strand verbracht!
Seine gonza Wertsocha hot er im Rucksock verstaut,
und nit dron denkt dass am den uanr klaut!
Aber wia dr Daniel ziacht im Meer so seine Runda,
isch der Rucksack auf uamol spurlos verschwunda!
Iatz hoba sie noch dem Rucksack gsuacht, sichr 2-3 Stunda,
und hoba nocha mit Glück wieder bis auf 1-2 Socha alles gfunda!
Im Urlaub muass ma hollt schua a bissli auf seine Socha schaua,
iatz wear mar die Scheiba no weit oa haua!

Schmid Thomas

Thomas, des erschte Johr vom Studium isch vollbrocht,
mir haba keart des hosch du ganz guat gmocht.
Mit viel Sport tuasch da dei Freizeit gestolta
mir hoffn den Schwung tuasch no lang bei beholta.
Nebenbei geasch no auf Kappl in d'Arbeit,
trotzdem hosch für di Feuerwehr ou no Zeit.
So mechtestch huier zum Atemschutzkurs gian
mir finda dein Einsatz isch wirklich schian.
Mir winscha dir viel Glick im neia Joahr
und lassa de Scheiba ausfliaga wunderbar.

Fam Grießer Hubert Rosmarie

An Techniker hot miaßa beim Computer eppas repariera,
beim Huamfohra hot er da Laptop vergessa, des konn jo passiera.
Aber den Laptop braucht er natürlich glei
drum fohrt er am nächste Morga glei bei's Grießers vorbei.
Er leitet bei dr Hausglocka, ober do riart si nix,
dahuam isch do niamand, des isch fix.
In dr Noat ruaft er di Elisabeth bei dr Orbeit on,
dia sogt ihm, wo dr Schlüssel aufliegt, damit er sein Laptop hola konn.
Di Rosi schloft drweil seelenruhig in ihrem Zimmer,
wos im Haus vor si geht, do hot si kuan Schimmer.
Mit Stopsel im Ohr, do tat si glott versauma
wenn eppar iara will s'Haus ausrauma.

Grießer Elisabeth

Die Elisabeth und die Mandr, wia sell ma sogu,
des hot sich bis no nit ganz vertroga!
Aber seit a poor Monat sigt ma olli mia,
a Imster Auto bei diar vor dr Haustier stia!
Drum hom mar iatz mol nochgfrogt und nocha hoba sie ins belehrt,
dass des Auto eiba deim Freind keart!
Miar wünscha enk dass alles guat kloppt,
auf des dei Scheiba in dr Sanna in schlogt!

Grießer Eva Maria

Die Eva hot mit ihrem Freind huira in New York Urlaub gmocht,
und do hoba sie ou glei die Silvester Nocht verbrocht!!
Aluanig s´ Fuierwerk so hom mar keart,
isch da Ausflug auf jedenfoll weart!
Ou sinsch hobats enk die Stodt no a bissli ongschaut,
miar hoffa enk hot der Urlaub guat taugt!
Iatz loss mar no dei Scheiba weit oa fliaga,
miar hoffa dass mar die wieder mol zum seicha kriaga!!!

Fam Scheiber Helmut Martha

Ou deas Jahr sein die Scheiber in Urlaub gonga,
grad a poor Tag des tuat leicht longa.
Dr Helli hot nett wia er isch sein Firmenauto da Kollega geba,
aber kaum isch er vom Urlaub zrugg sollt er was drleba.
Da Spiegl sei hin wor die Meldung von da Kollega,
das Auto liegt drauf und lot sie leider numma bewega.
Iaz hot er miaßa a kluans Gasauto nehma,
mit dem er kaum zu seiner Arbeitstell isch kema.
Iatz loss mar statt deim Auto a Scheiba den Higl ocha fliaga,
und hoffa dass nit jedes Jahr a neus Fahrzeug tuasch kriaga.

Scheiber Robert

Dr Robi tuat Dahuam geara amal eppes kocha,
und da und det a Fleischli oder a Sippli mocha!
Er hat sich deas doaba im Altersheim genau angeschaut,
und sofort Dahuam nachbaut!
Aber kua Angscht Robi miar holta dicht,
miar wissa halt es isch bei dir ou schua a aAters- Gschicht!
Beim Schifahra isch dr Robi ou alli dabei,
da derlebt ma mit ihm schua allerlei!
Ab und zua tuat` s dr Robi mitm Stress auf a Bier übertreiba,
und kimmt erscht auf der Terasse mit dr Ski zum stian dr´ zbleiba!
Miar hoffa deiner Hand und deim Arsch geats iatz wieder guat,
und hohla dir dafür a Scheiba aus der Gluat!

Scheiber Peter

Dr Peter buggelt fleißig bei der ÖBB
fohrt Tog und Nocht mit dena Züg, des isch kuan Schmäh.
In dr Freizeit muaß an rechta Ausgleich hea,
im Winter suacht er den im Schnea.
Beim Touragiah tuat er di Bearg auchafplitza,
wenn do mitgeasch, kimmsch saggrisch zum Schwitza.
Für'n Summer hot er si a Maschinli kouft,
mit an Haufa PS, dass es richtig schnell louft.
Um des Naked Bike tia si ou seine Briader reiße,
dia Kawasaki isch wirklich a hoäßes Eisa.

Scheiber Markus

Dr Markus tuat sich viel für d' Feuerwehr engagiera
und seit letztem Joahr on dr Pumpa umahontiera.
Er hot im letzta Joahr den Maschinischtakurs bsuacht
du kansch iatz glaba des gfallt ins guat.
Mit deem Bruader tuasch fleißi Schifoan trainiera
um die Renna mit deem könna zábsolviera.
An Böll'r lossa miar iatz nou krocha
moch weiterhin nou viel guate Socha.

Scheiber Michael

Da'r Michael tuat fest für die Schual lerna deas lot si nit vermeida,
Da muasch natürlich so makes Hobby darunter leida.
In Führerschein hat er so neben bei a no gmacht
des hot alles tip top hinkaut des war ja glacht.
Ow darum tuat er sich numma so auf sei Schirennkarriere konzentriera
tuat er decht liaber auf 4 Räder herum kursiera.
Aufm Rasen beim SV- Landeckmhaltet er no stark sei Position
da lohnt sich no so manche Fußballschuachinvestition.
Mach so weiter und das dir alles wia geplant gelingt,
iatz no a Scheibe weit ocha singt.

Fam Rainalter Eckehardt Hella

Zearscht mechta mar inserer Hella bsunders Dankeschia sog,
und für den super Kaskiachlatoog tia mir a schiane Raketa auajoga
Bei Ekkis Altersresidenz
hat`s huira schua wieder koassa „da brennts“!
D`Landegger Fuierwehr hats halt wiedermal mitm schnell sein übertrieba,
da isch decht glatt wieder eppas stian blieba!
Da tuat`s den Ekki schiach ploga,
iatz muass er`s nacha selber warm abtroga!
Und dass dia Fuierwehr nit wieder so schnell da isch,
stellsch halt auf di Strass uanfach a paar Bänk und Tisch!
Iatz winsch mar enk für´s keamate Jahr nou viel Glück und viel Seg,
und sellts nommal brenna, viel Wind und ja kuan Reg!

Fam Huber Robert Gabi

Mei liaber Hansrobert, iatz weards nocha Zeit
Daß es für di a onder's Auto geit.
Loufa tat er sicher nou guat,
nu d'Rostfleck bingsch numma olla unter uan Huat.
D' Gabi hot dös ondersch g'mocht
Und hot si schua länger a nuis Auto onglocht.
Iatz lossa miar nou an Raketa aus d'r Eard
Und weara schua, ob draus eppas weard.

Huber Susanne und Peter

Miar hobas jo gwisst, uanmol weards soweit keama,
daß ins d'Susanne und d'Peter z'Gurnau do darvon-renna.
In der Gemeinde sei si schuan nou blieba,
nou an Stock heacher sein sie auf Grins auchi-gstiega.
Zum nuia Haus tian mar recht saggrisch gratuliera
Und lossa an Böller und a Raketa marschiera.
Deas tian miar nocho ou richtig inspiziera,
wenn miar noch keama d'Grofer Scheibe kassiera.

Fam Schütz Egon Sissi

Dr Egon hat a nuies Hobby gfunda,
er macht iatz guate Liköre und sall sogar di gsunda!
Im Garta und der wilda Natur,
brockt er di Bearla darzua!
D` Sissi tuat nacha koschta und teschta,
und sagt zum Egon: Deas isch der Beschte!
Da kanntesch am Frischemarkt ou a Standli auf mocha,
und verkoufa dia guata Socha!
Iatz hoff mar halt dass da a Koschterli tuat übrig bleiba,
und tian denk dafür a schiane Scheiba ausitreiba!

Schrott Werner Gudrun

Für ins'r Fuirwehrekassa lot der Bruder vor Sissy olli a Spenda hupfa,
drum tian mar d'rfiar ou huira weider a Scheiba aus d'r Gluat aussilupfa.
Am Langet's schaua si jed's Johr amol vorbei,
und hob ou eppes für ins Fuirwehrekassa darbei.
A Raketali lossa miar itz nou brausa
Und die Scheibe weit aussisaisa.

Schütz Florian

Dar Flo, deas woäß wohl mitlerweile jeder,
versucht Junge Leit in Tirol a guate Zukunft zgeba.
Lehre mit Matura werd vu ihm koordiniert,
und somit dar Lebenslauf vu viele Jugendlich a aufpoliert.
Aber deas alluan laschtet ihn woll nit aus,
er geht in Zukunft oft nit vor 10e am Obad ausm BFI Haus.
Da gibt er sei Wissen aus der BWL an seine Schialer weiter,
hoffentlich sein sie alle darnach ou gscheiter.
Außerdeam hat dar Florian sein Wohnort fixiert,
und sei Gald in a Wohnung in Lans investiert.
Dass as enk da fein tunkt und enkare Wahl a guate war,
haua mar iatz a Scheiba durcha.

Fam Larcher Peter Margret

Miar hobe g'heart, daß d'r Larcher Peter 60 Jahr gwoara isch,
d'rfür lossa mir a Raketa vom Tisch.
A Gschenk hots geba zum studiera,
d'Gurnauer Brugga als Puzzle zum konstruiera.
D' Margret weard dös nocha schua kontrolliera
Und wenss notwendig isch, ou korrigiera.
Mit soviel kluani Teile a Brugga bauh,
dös muaß si zearsch eppar amol trauh.

Larcher Mathias u. Simone

Im Mathais und d'r Simone kenna m'r huira zum Nachwuchs gratuliera,
und lassa glei a Raketa in Himmel auchi marschiera.
Mit d'r Mia habt's es sicher olli viel zum tian,
deas isch aber ou ganz schian.
An Böller lassa m'r iatz ou no explodiera,
weil miar wella ja ou zur Hochzeit gratuliera.
Es habt's enk s' Jawort geba,
und giabt's iatz gemeinsam durchs Leba.
Miar wünsch dem junga Familienglück nur guat's,
und hola für enk a b'sonders schiane Scheiba aus dar Gluat.Im Mathais und d'r
Simone kenna m'r huira zum Nachwuchs gratuliera,
und lassa glei a Raketa in Himmel auchi marschiera.
Mit d'r Mia habt's es sicher olli viel zum tian,
deas isch aber ou ganz schian.
An Böller lassa m'r iatz ou no explodiera,
weil miar wella ja ou zur Hochzeit gratuliera.
Es habt's enk s' Jawort geba,
und giabt's iatz gemeinsam durchs Leba.
Miar wünsch dem junga Familienglück nur guat's,
und hola für enk a b'sonders schiane Scheiba aus dar Gluat.

Vogt Irene

Do ma die Irene bei ins nit oll zu oft sigt,
hom mar mol so umagfrot wos es so über sie zum schreiba gibt!
Iatz hom mar so mitkriagt dass sie öfters douba am Venet steat,
und do ihrer Arbeit als Kinder Betreuerin noch geat!
jo bei diar hoba die Kinder sicher ou nuit zum kloga,
iatz wear mar dei Scheiba no weit oa schloga!

Vogt Herta

Die Heata hat iatz anfanga zum renoviera,
weil se gmuant hat mit dena alta Bretter tuat sie sich nimma scheniera!
An Toal von dr Fassad isch iatz schua gmocht,
da hat die Heata wieder glocht!
Dr Balkon war iatz halt ou nou recht,
weil zammpassa tuat deas iatz aber schua schlecht!
Iatz hoff mar dass es mit die Ausgabe nit übertreiba tuasch,
weil da im Summer ja ou nou in Urlaub muasch!
Viel Glück winscha miar dir beim fertig macha,
und lassa an lauta böller kracha!

Fam Schultes Hubert Brigitte

Iatz tian mar den Hubert und di Brigitte schian griaba,
und an morz Böller dafür ah schiaß!
auf dass enk huira ou wieder alles so guat gelingt,
hoffa mar dass dia Scheiba für enk zwoa so richtig weit ausi singt!

Fam Marth Edmund Helene

Schreiba tata miar geara a schians Gedicht,
nun kriegagt am den Edi und d'Helene nit ofts voars G'sicht.
Iatz giahn sie ober wieder öfter zu dritt spaziera,
und tian d'r bei ou an Poppawoga chauffiera.
Deas nui Enkali isch natürlich ihr gonzer Stolz,
drum lossa mar d'rzu ou nou a Raketa vom Holz.

Fam Landerer Franz Elfriede

Herzlichen Glückwunsch winscha mar enk,
a weiters mal Oma und Opa, deas isch a Geschenk.
Und damit dia Enkel ou sicher sein,
baut dar Franz glei a nuie Haustiar ein.
Vorbei ischas mitm Fluacha,
iatz miaßats vorm Haus numma da Schlissa aus dar Tasche außa suacha.
A Zahlenkombination, und schu isch die nuie Tür auf,
da haua mar glei a Scheiba drauf.

Fam Würthenberger Claudia u. Armin

Richtig fein ischas, kann ma eppas schians berichta,
da tuat ma ou geara die Sprichla dichta.
Die Claudia und dar Armin iatz zum dritta Mol Eltern sein,
Elsa hoabst deas Madli, enkrar nuier Sonnenschein.
Grad in der earschta Zeit wünsch mar enk viel Ruhe und hobats as schian,
für deas miar enk iatz a Scheiba ausm Fuier tian.

Öttl Wolfgang Christina

Beim Wolfgang und der Chritine kenna miar nachdenka so viel miat wella,
miar finda nix hetzigs zum derzähla!
Vielleicht gibst für`s nächste Jahr nacha,
eppas für ins alle zum lacha!?
Hauptsach gsund, froa und heiter,
geats ou im nägschta Jahr weiter!
An Böller und a Scheiba tian miar enk ganz ganz weit ausi treiba!
??
Skikurs fürs Madli
?

Fam Pfeifer Karl Brigitte

Damit a Firma guat louft brauchts an Haufa Socha,
da muas ma sich über viels Gedonka mocha.
Drum hat dar Karl bei sich denkt, was kannta mar mocha,
iatz sieht ma im Logo vum Öl Mex an Drocha.
Aber nit lei im Logo schloga Flomma aus,
deas sieht ma im Summer o alli öfter beim Haus.
Dar Grill isch a wichtiges Koch-Utensil,
da weard angkhoatzt und aufkocht im groaßa Stil.

Pekar Manfred und Sabine

Dar Sport sell für jeden wichtig sein,
fürn Manfred bsundars, so machts in Anschein.
Die Loufschuach weara desöfteren gschniart,
und bei längere Runda im Wold spazieragfahrt.
Aber deas isch bei weitem nou nit die uanzige Tätigkeit,
er srpingt ou aufn Berg aucha gonz weit.
Deas macht dar Manfred mit die Toura-Ski,
icha in d'Bindung, und nocha ischar darhin.
Für die Sabine und in Manfred iatz a Scheiba fliaht,
und hoffentlich ou bis ins Tol ocha gliiht.

Sailer Gerhard & Brigitte

Wo fahra Tiroler hin um Urlaub zmocha?
dar Gardasea isch nit weit, deas war decht zum locha.
So geschehen im letschta Johr,
dar Gerhard und die Brigitte fohra auf Italien durcho.
Sinscht sieht ma da Gerhard oft mitm Motorrad umnabeißa,
miar hoffa du passasch guat au, und tuasch sa nit aufn Bouda schmeißa.
Im negschta Johr mechta mar wieder mia berichta,
a Scheiba ausm Fuier, dass as gibt an Haufa Gschichta.

Carpentari Jürgen und Sonja

In Gurnau scheint deas Fußballfieber umchagiahn,
d'r Jürgen tuat iatz ou als Fußballtrainer vor d'r Trainerbank stiahn.
In Nachwuchs trainiera isch sicher ganz nett und schian,
ou wennn die Kloana nit olli folga und taktisch richtig stiahn.
Die Sonja hat sich leatscht's Jahr äußerlich verändert,
mit gekürztem Haar sie iatz durch Gurnau schlendert.
Im Jürgen g'fällt deas ou ganz guat,
da hat's geba sicher kua böses Bluat.
Miar tian für enk no an Böller spendiera,
und lassa dia Scheiba b'onders weit außi marschiera."

Carpentari Reinhard

Da Reini hat sich denkt, i muaß a bissli auf mein Körper schaua,
und wieder öfter in d'Heach und auf die Bearg aua.
Und was passt da besser als sich a nuie Tourausrüstung z'koufa,
nocha kann ma bei Tag und Nacht durchn Schnea aucha loufa.
So überwindasch sicher jedes Hindernis,
und nach kurzem steahsch da, fit und stark wie an junger Adonis.
Ou bei dar AK -Wahl war dar Reini aktiv und ma hatn gseacha fürn Erwin Zangerl
umaflitza,
zum dank darf er iatz in dar AK-Vollversammlung sitza.
Drum knollt für die iatz an Böller ganz dick,
für die negschta Johr viel Glück, und politisches Gschick.

Carpentari Lukas

Dr Lukas isch an vielbeschäftigter junger Monn,
mit dem man jederzeit a mords Gaudi hoba kann.
Sei es beim Mountainbiken, wo er ausilassa kann sein Übermuat,
oder in dr HTL-Innsbruck, wo es ihm ou oft gniagala tuat.
Weiters isch er ou bei dr Wasserrettung sehr engagiert,
von dem er ou bei dr Fuierwehr profitiert.
Mir wünsch im Lukas ou weiterhin viel Glück und Freid im Leiba,
und lassa iatz no a schiane Scheiba ausi seigla!!

Fam Carpentari Reinhard Marlies

Im Reinhard und dar Marlies wohl ou nia longweilig weard,
iatz hoba sie denkt, deas Wohnzimmarr ou amol ernuiert keart.
So hoba sie deas Gonze glei renoviert,
und oba drauf ou nou an nuia Schwedenoufa installiert.
Deas isch a ausgetüftelte Konstruktion,
ma kann verhoaza Holz und Pellets in Kombination.
Iatz muas ma sicher numma so oft zum Holza giahn,
und hat mia Zeit zu zwoat, deas isch sicherlich schian.
A Scheiba für enk sell außa zum Schluss,
miar hoffa s'nuie Wohnzimmer isch für enk an Genuss.

Carpentari Julia & Kurz Alexander

Es hobats aus enkarar Wohnung des gonz olte zuig ausi kaut,
und wieder nuie Socha ia baut!
Dia nui Wohnung isch echt Schia, dr von kon ma lei trouma,
iatz hobats aber schua s' negst Ziel in Angriff gnouma!
Miar hoba keart dr Nachwuchs steat enk ins Haus,
jo do bleibt die Arbeit nocha sicher nit aus!
Lossat's enk hollt nocha nit gor z' viel bloga,
auf des wear mar enkar Scheiba no weit oa schloga!

Carpentari Carina

Jo die Carina des wiss mar genau,
wohnt schua seit einigr Zeit drin im Paznau!
Aber du kantsch weg dem ruig öfters vorbei schua,
zumindest im summer kann ma sich schua ausi traua!
Auf dass ma die bei ins do wieder öfter sigt,
die Scheiba no weit oa fliaht!

Wilhelm Karin & Ingeborg

Ums Haus bei dar Karin alli was passiert,
im letschta Jahr hat sie nuie Jalousia montiert.
Und nit nu deas, da Wintergorta sich ou ganz nui präsentiert,
weil ou dean hat die Karin kürzlich renoviert.
Bei sou am Haus da gibt's holt alli eppas zum tian und zum investiera,
zum Schluss tuat sich deas aber alli rentiera.
Miar joga iatz a Scheiba durchau,
hoffentlich knallt dar diea nit glei auf die nuia Jalousia drau.

Pfisterer Dieter Christine

An guata Start ins huirige Jahr
wünscht die Graf/Gurnauer Fuiwehr enk zwo!
Miar hoffa eas tiats ins nou lang gesund und glücklich bleiba,
und tian enk dafür nou a Scheiba und a Raketa weit ausitreiba!

Pfisterer Peter

Dr Piet isch jo zur Carina in die Wohnung gonga,
nu dr Plotz tuat na iatz hollt numma gonz longa!
Drum sei sa schua beim Plana dron,
und sobold des passt fonga sie ou mit' m Umbau on!
Noch links und rechts sigt ma schua die Trimmer ausi fliaga,
aber wenn die Stützmauer da wischasch kanntsch a Problem mit dr Statik griaga!
Miar dass dr des noumol uanr genau dr klärt,
des isch ins iatz a Rakeita dr weart!!

Fam Haag Sabine u. Peter

Dem Peter und er Sabine wünsch mar huir ou wieder viel Glück und viel Sega,
viel Sunna, kuane Wolka und sicher kuan Regal!
S` ganze Jahr heart ma von enk lei guate Socha,
miar hoffa eas tiats ou weiter so a mocha!
Sodass miar it anfanga an Blödsinn zum schreiba,
miar enk iatz uanfach a Scheiba ganz ganz weit ausi treiba!

Fam Schütz Erwin Christine

D'r Erwin und die Christine sein öfters mit' m Radl am Weg,
es isch ihnen aber egal ob's grad isch oder schräg.
Mit am E-Bike hat ma motorische Unterstützung beim fahra,
da gibt's auf'n Berg auchi sicher kuan Zoara.
Miar hoffa die Radltoura tian weiterhin gut gelinga,
es kennt's ja gmiatli fahra und miaßt's kua Renna g'winna.

Schütz Manuel & Petrovic Regina

Dr Manu und di Gini sein huira unter di Falla bauer gonga,
und auf der Stell haba sie ou eppas gfonga!
Deas hatta sich dia Marder ihr Lebtag it denkt,
dass ihna dr Manu an Urlaub in Christoph doaba schenkt!
Kaum wara sie in dere Falla dinna,
hat dr Manu und di Gini anfanga zum singa!
Und dass dia it wieder keama und di arme Gini ploga,
hat sich dir Manu denkt, bessert tuat er sie weit gnuag weg troga!
Aber im huiriga Summer isch Schluss mitm Falla installiera,
da seits beschäftigt gnuag mitm Poppawaaga kutschiera!
Für die Glückwünsch schick mar enk nou a Raketa weit aucha,
weil sall kennats sicherlich guat gebrauch!

Fam Walter Markus Sybille

Nit nu die Walt draht sich, ou sinscht nix steaht,
und so ou schnell die Zeit vergeaht.
Was kuaner vu ins gloab kann,
die Sibylle war im letschta Johr mit ihrem 40er dran.
Und weil sichs anbiatat und guat geeignet isch,
stellt man im Frisiersaloon auf, da Partytisch.
Sibylle, dia Johr giahn an dir scheinbar spurlos vorbei,
du strohlsch wia eh und je und deas einwandfrei.
An Böller zum Schluss auf die negschta Johr,
und hintadrauf a Scheiba durcha.

Walter Berta

Di Berta geat fleissig mit`m Hindli spatziera,
und manchmal tuats Hindli die Berta fiara!
Folga tuat der Jimmy it alli geara,
und manchmal will er`s vielleicht gar it heara!
Spatziera isch zu zweit eh viel schianer als allua,
da keart so an kluaner Freind unfach derzua!
Miar hoffa du tuasch ins nou lang gsund bleiba,
und dass es dia Scheiba tuat weit ausi treiba!

Vollath Hubert

Der Hubert war halt decht geara an richtige Tiroler,
und tuat sich uan nachm andara Traktor nach Hamburg aui hohla!
Soa an Oldtimer passt sicher besser zu dir,
da wearsch ou dr uanzige sein, in deim Revier!?
Miar hoffa du tuasch ins anständig treu bleiba,
und tian dir dafür a schiane Scheiba ganz weit ausi treiba!

Senn Michaela

Dia Scheiba reiba mir on umso feschter,
weil di Michi isch iatz Diplom-Kronkenschwester.
Dia Learnerei wor zwor a mords Prozedur,
dafür hot si die Prüfunga gschofft mit Bravour.
Da Freund hot si ou ausgewechselt, des isch gonga recht fix,
ober wenn's numma passt, nocha nutzt des ou nix.
Dahuam in Gurnau wearsch iatz hold numma viel sei,
weil in dr Wohnung beim Daniel tunkt's di recht fei.

Senn Verena

Deas Johr hot die Verena zu Frankreich gseat leb wohl,
und isch wieder retour ins Land Tirol.
Aber da tuat sie sich ou nit auf die faule Haut haua,
wiel sie will die Uni bald fertig hoba darauf tuat sie fest schaua.
Über Weihnacht isch sie leider mit Krucka daherspaziert,
weil irgendwos an der Fußsohle hot sie da operiert.
Als Sportstudentin isch deas nit grad dr Hit,
aber die Verena wor dann bald wieder Fit.
Wir wünschen dir und deas isch ganz klar,
viel Glück in dem hoffentlich letzten Uni Jahr.

Senn Anna

Di ollerschianscht Raketa tia mar iatz dr Anna spendiara,
und ihra gonz herzli zum 90-er gratuliera.
Feira tuat si geara, des woäß, wer di Anna kennt
und dia Feirerei zu ihrem Geburtstog hot ket bold kua End.
Zearscht mit dr Familie bei dr Gemse bis weit noch Mitternacht,
vo Müdigkeit kua Spur, des war decht glocht.
In dr Kiarcha in Pians gibt's für'd Anna an Bluamastrauß
und di Grinner Musi ruckt ou no aus.
A wunderschians Fuerwerk hot's dazua geba,
weil 90ig weart ma nu uamol im Leba.
Anna, mir wünscha dir viel Gsundheit und Glück
und beholt da 100-er guat im Blick!

Fam Senn Werner Brigitte

Wenn dr Werner am Wochenende huamkimt, nocha treibt's ihn glei an'd frisch
Luft,
di Touraschi on und aucha ob Grins, nocha isch dr Arbeitsstress glei verpufft.
Jo, bei so ara Tour findet er sei innere Ruah,
und zum Schluss keart er geara in dr Strenger Schihütte zua.
Di Brigitte tat in Werner jo geara öfter begleita,
ober si hot so viel zum Korrigiara, Herrschoftseita!
Z'Fuaß auf'n Berg miaßtats iatz eh numma giah,
weil es hobt's jo an "Ollrod-Nobelschlitta" hinterm Haus doba stiah!
Den Range Rover mit Ausstattung De luxe,
a gewaltigs Gefährt, zum Aussetza gibt's do nix.
Dass enk des Auto olli sicher zum Ziel ou bringt,
iatz vo dr Fuirwehr a schiana Raketa auchasingt.

Senn Evi

Bei dr Evi hob'mar des Johr zu berichta,
si isch grad dabei beim Kinderzimmer richta.
Long konn's iatz numma daura, nocha isch es so weit,
dass aus dem Wiagala a Baby schreit.
Ob rosa oder hellblau wear mar jo drfroga,
di Oma und dr Opa weara ins deis sicher sogä.
Schia, wenn's wieder an Nachwuchs geit,
miar wünscha enk olles Guate für dia sponnende Zeit

Fam Senn Arnold Ursula

Dia Scheiba sett giahn, weit und schian,
weil iatz bleiba miar bam Arnold und bei d'r Ursula stiahn.
Miar kennas foscht nit globa,
dia zwoa, sein scheints die bravsten auf d'r Soga doba.
Neba seiner Bienenkunde
draht d'r Arnold noch wie vor seini Runde.
Ou in der Lebenshilfe tuat er sich ou fescht ongaschiera,
und dös uane oder andere organisiera.
Die beschta Wünsch für Gsundheit kann ma olli braucha
Drum schiaße miar enk zwao nou a Raketa aucha.

Pfeifer Anna & Vogl Benjamin

Geahs dar körperlich nit guat und du woasch nit wohin,
geah zur Anna, dia isch Fitness- und Gesundheitstrainerin.
Nit nu Trainingsplän kann sie erstella,
ou beim Vibrationstraining kennt sie sich aus, set ma deas wella.
Miar wissa dass die Gesundheit wichtig isch und ma set drauf schaua,
drum weara mar enkare Scheiba ganz weit außa haua.

Menghin Manuela

Die Manuela finda mar huira s erschte Mal auf insarar Lischta drau,
da joga mar glei a Raketa durchau.
In Lech tuat sie in Uniform durchs Doarf patroulliera,
und die unane oder andere Strof inkassiera.
Aber lei drauf schaua, dass die Leit sich an die Gesetza holta,
isch ou nit guat, und drum muaß ma sich sei Freizeit guat gestolta.
Da hoba mar keart dass die Manuela geara d' Wänd hoach geah,
aber nit weil sie grantig isch, sonder weil sie geara auf dar Heach doba steah.
Klettara scheint ihre große Leidenschaft,
deas isch an Ausgleich und gibt ara sicher Kraft.
Dei erschta Scheiba als nuie Gurnauerin,
ocha in d' Sanna und durchaus inan Inn.

Fam Plattner Wolfgang Angelika

Gonz egal ob's Wetter sich schiach oder schia,
sieht ma da Wolfgang beim Finanzomt am Hintereingong stiah.
Jo, seits gibt im Büro des Rauchverbot,
hoba die Raucher ihre liebe Not.
Dr Wolfgang findet, dass es do schlimmeres geit,
a poor Minuta außa an'd Luft und ma trifft do ou meistens a poor Leit.
Mit da Kollega an gepflegta Ratscher, desisch schua guat,
als Personalvertreter drfrotg ma glei, wo brennt dr Huat.
Neba dera Bugglerei im Finanzomt muaß ou an Urlaub sei,
s'letscht Johr auf der Kreuzfohrt hot's di gonz Familie tunkt bsunders fei.
Auf dem Schiff flaniera, faulenza und guat essa,
den Urlaub weart d' Angelika nia mia vergessa.

Plattner Christian

Da Christian sigt ma olli fleißig beim Fc- Pians trainiera,
und Schia langsam tuat sichs ou profitiera!
Du bisch iatz nämlich dar uanzr Gooli gwoara,
seit dem hoba schua so manche Stürmer an heida zoara!
jo tua die ou weiterhin aufs Fuassbollna so konzentriera,
nocha tiats huira sichr ou numma so oft verlierer!!
miar wünsch dia no gutes gelinga,
auf des sett die Scheiba weit ausa singa!

Plattner Kathrin

Ow den Summer hots Kathrin ans Wasser verschloga,
aber ab und zu mecht sie ou im Salzwasser boda.
Drum hot sie mit der ganzen Family a Kreuztour gmocht,
da hobts sicher a Gaudi kett und viel glocht.
Ow in der neuen Wohnung tunkts die Kathrin fein,
und sie hoazt ou immer kräftig ein.
Um die 28 Grad sollts bei ihr im Wohnzimmer oft hoba,
andera Leit tuat dia Hitz regelrecht drschloga.
Aber hoaz lei ein wia du mogsch deas isch ja klar,
wir wünsche dir auf alle Fälle viel Glück im nächsten Johr.

Traxl Richard

Dia Scheiba isch aussa aus der Gluat,
mir hoffe es geiht im Richard guat.
Schua wida a joar verganga isch,
mir haba keart dir geats guat wo du bisch.
Du schausch obi zu ins und hasch guat locha,
drum lassa ma dir iatz no an Böller krocha.

Kobler Maria

Dia Scheiba tian mar weit ausitreiba,
g'sund set Maria nou long bleiba.
Bleib uanfach sou wia da bisch,
freundlich, agil und frisch.

Fam Kobler Gerald & Gabriele

D'r Gerald denkt sich um 's Haus kann ma nie g'nug Platz haba,
nacha muss ma sich nit mit z'wenig Stauraum umchaplaga.
In Stadel vis a vis vom Haus hat'r leatscht 's Jahr kenna koafa,
iatz sieht man olli hin und her loafa.
Da isch deacht no deas oane oder andere zum tian,
damit dear Stadel isch nacha ganz schian.
Dass deas renoviera und richa guat gelingt,
an Böller ganz laut singt.

Perktold Michael

D'r Michael isch an umtriebiger Mann,
dear isch bei viele Arbeita vorna dran.
In's Redline nach Landeck sieht man öfters giahn,
aber zum orbeita und nit vor d'r Bar umchastiahn.
Beim Einweihungsfest für die renovierte Grafer Kapella warsch beim Zeltaufbau
ou dabei,
dafür mechta m'r Danke saga und mit am Böller isch dei Sprichli iatz vorbei.

Schlatter Harald & Melli

Die Kinder halta in Harald auf Trab,
da gibt's olli eppas zum tian bei Nacht und bei Tag.
Darum hat d'Harald wieder angfanga zum Schifahra ma tat's kaum globa,
deas isch iatz aber gar nit gloga.
Mit d'r Hanna und Lena isch schifahra sicher schian,
lei mir sein ins nit sicher wer besser tuat auf die Schier stiahn.
D'r Harald muaß olli saggrisch Acht geba,
dass die zwoa nit links und rechts an ihm vorbeiwedla.
Dass enkre sportliche Aktivitäten weiterhin unfallfrei funktioniera,
lassa m'r no an Böller explodiera.

Fam Schlatter Engelbert Stefanie

Bar Kapella z.Grof hat sie der Engl hiura saggrisch ongaschiert
Weil er gsecha hot, dia keart wieder amol renoviert.
Es wor viel z'tian, er isch olli marschiert
Und hot ou olles organisiert.
Für die Viel Orabat und Plog tian miar Donkschian sogä
Und darzua a Rakete weit auchi joga.
Iatz miassa mar obr ou nou d'Stefanie ploga,
weil do geits ou eppas zum sogä.
Im Herbscht hat sie für d'Gäschd an Kucha bocht, schian und rund,
zum abkühla hat sie ihn vor d'Tür gstellt, a Viertelstund.
S'Verziere hosch nochä kenna vergessa,
weil d'rweil hobe schua d'Kotza da Kucha gfressa.
Iatz wissa miars genau,
wenn d'Kotza Kuacha hoba, kenna d'Mäus ruhig aus ihrem Bau.

Nöbl Hannes

"Seit d'r Hannes in Vorarlberg wohnt isch sein Daumen grian,
da stiahn in d'r Wohnung Pflanzen und Kräuter ganz schian.
Die Chilipflanzen wachsen und gedeihen b'sonders guat,
deas isch weil sie d'r Hannes so guat pflega tuat.
Mit seine Schüler gibt'r Konzerte und spielt Theaterstücke,
da gibt's im Zuschauerraum sicher kua freie Lücke.
Miar hoffä dass deine Projekte weiterhin so guat gelianga,
und lassä a Raketa in Himmel auchi singä.

Fam Nöbl Ferdinand , Romana

An den Computer traut si d'Romana iatz schua dron,
wia ma im Internet öfter amol vo ihra eppas lesa kann.
Zur Orbat und Technik hot si an schiana Ausgleich g'funda
Sie draht nämlich mit da Schneaschuach gmütliche Runda.
Und da Ferdl sieht ma seit am letscha Summ'r
Mit am nuia Auto umchabrumma.
Aufpassa drauf tuat er schua gonz guat
Nu ba huamfohra d'r Ferdl gonz leicht d'Maura stroafa tuat.
dös winzige Kratzerli isch ober nit d'r Red wert,
drumm lossa miar nou fiar enk an Böller vor Erd.

Kirschner Katharina

Dia Scheiba isch aussu aus der Gluat,
mir hoffa es geahd da Kathi guat.
Gsundheit, Glück unds allerbest,
wünsch ma dir heint bei inserm Fest.
Des Jahr 2014 dir des alles bringt
Und zum Schluss a Raketa in Himmel aua singt.

Mangott Silvia

Mir tata geara über Schandtata berichda,
lei heart ma kuane vu deane Gschichta.
So wart ma uafs negschte Jahr,
vielleicht isch dann mia zum schreiba da.
A Scheiba fliegt aussu für die ganz weit,
bis zum negschta schлага, wünsch ma da a schiane Zeit.

Haas Lisa

Da wiss ma nit was schreiba,
weil beim Finanzamt tuat alss gleich bleiba.
Des ganze Jahr hert ma nix vu dir,
fast gleich wia bei mir.
Der Freind sei bei der Rettung dabei,
i hoff mir brauchn nit glei.
Tiatz ma es a bissl Schindluader betreiba,
dass ma negscht Mal kenna mehr schreiba.

Moschen Norbert & Emilia

Beim Norbert Itia miar ins huira wieder sagraisch ploga,
wie sella miar eppas über die drfroga.
Mir loda die gera zu ama Bierli ein
deis sett die tunka fein.
Damit dr huira alls gelingt
iatz no a Raketa aua singt

Moschen Anni

D' Maiandacht weard wieder kema
da weard sich d' Anni wohl wieder Zeit nehma.
Vor'm Kappala konsch nocha auf a Ratschali bleiba
d'Fuirwehr tuat dr auf jeden Fall a schiane Scheiba ausatreiba.

Wagner Walter Ingrid

In Graf da tuat ma nit viel hera,
des bringt mi fast zum rehra.
Ins Paznaun hon i miassa fohra,
um a bissl mia zum erfahra.
Auf Gäst hoba sie huira fest gschaut
und hoba ihna den Speisesaal umbaut.
Dafür schick ma iatz a Scheiba ind Stera,
auf dass ma negschts Johr mia vu enk hera.

Fam Ruetz Markus Christine

Der Markus und die Christine sein bodenständige Leit
und treibens nia zweit.
Da fällt ins schwar was zum Schreiba,
nocha miassa halt die Kinder drunter leida.
In Jakob hoba sie gschickt ind Lehr
als Koch, des isch doch a Ehr.
Da Familie Ruetz tia ma an Böller anreiba,
dass ma hoba negschts Johr mia zum schreiba.

Fam Thurner Udo, Evelin

Di Evi räuchert ihr Wohnung aus mit Drochabluat,
für wos isch des eppa guat?
Im Google steat, es tuat bease Geischer verjoga,
wenn's nuit nutzt, nocha isch es gwiss kuan Schoda.
Ou zum Beta braucht d'Evi nit weit giah,
tuat dechts Kappali vor dr Haustiar stiah.
Beim Renoviera hoba sich boade fescht engagiert,
d' Evi hot dr Orbeiter ou Breitla serviert.
Dafür mechta miar ins Bedanka gonz fescht,
und schieß a Raketa oua z'letscht.

Kathrein Anni

Miar wissa nit was trieba hosch im letschta Johr,
wia sella mir wos über die schreiba- eh klor.
Auf an Ratscher lossa mira ins gera ein,
deas tunkt ins alli fein.
Iatz löss mar no an Böller krocha,
dass mar s'negscht Johr hoba was zum Locha.

FA HW Bau Graf

Iatz bleiba miar bam HW-BAU stiahn und lossa an Böller krocha,
weil do geits uanfoch für'n Bau ollerhond Socha.
Man braucht nit waoß Gott wohin loufa,
weil beim HW Bau komma ou s'meischte koufa.
Und wos ma ou alli wieder heart,
daß ma ou bestens bedient und berota weard.

FA Wille Harald

A Raketa lossa miar iatz aussu mit'm Fuirwehrsega
und tian bam Wille Harald an Stopp inlega
Irgend ein Motor muaß d'r Harry olli heara,
weil ohne PS, dös tat d' Harry steara.
Eppas an Krawall, muaß uanfoch sein
Nocha tunks dean Monn earscht richtig fein.
Viel Erfolg und a guates G'schäft winscha miar
beim Kassiera keama miar eh nocha zu Dir.

FA Getränke Wille

a schiani Scheiba isch ins des schua weart,
dass d'Firma Wille z'Grof do steaht.
Do findat jeder so ziemlich olls,
wo s flüssig sich und passt in an Hols.
noch dem nuia Motto- wo ein WILLE do ein Weg,
kimmt überoll so an Loschtwoga zweg.
D'r Wille schaut, daß d' Leit nit verdurschta miaßa,
drum tian miar zum Böller ou nou a Raketa schiaßa.

Autohaus Zangerl

Wenn's beim Auto eppas zum Richta geit,
hot's Autohaus Zangerl dazua di beschta Leit.
Ou bei da Lehrling, do schaua si drau,
dass si learna ihr Hondwerk recht von der Picke au.
Mechanikerlehre isch bei da Buaba an vorderster Stell,
eis schaut's drauf, dass draus weart an onständiger Gsell.
Bei da Nuiwoga isch gleich, ob ma an Suzuki oder an Hyundai nimmt,
weil bei da Japaner uafoch des Preis/Leistungsverhältnis stimmt.
Dass eis tuats in dem Johr an Heida Umsatz mocha,
weart iatz no der Böller saggrisch krocha.

Horvarth Martha

Wos sellmar den großes über d Martha schreiba,
sie tut an haufa Zeit mit der Carmen im Garten vertreiba.
S letzt Johr hosch die über die Fiass (Füsse) derfa bekloga,
es wird wieder besser, sall kenn mar der sogä.
Tuasch die a bissele schona und nicht allzu viel mocha,
iatz lossmar der no an Böller in a Himml krocha!

Fam Horvarth Thomas Denisa

Dr- H.C. Strache tuat den Thomas kenna,
miar tia dir zur Scheiba an Böller anbrenna.
Am Samsti nimmt sich dr Thomas alli Zeit,
do geaht er rodla mit'm Bua, muasch ja nit gia allzu weit.
Dahum hoba sie ja alla Platz
neba Frau, Kind , Hund sogar die Katz!

Fam Horvath Erich Elisabeth

Dar Erich tut nit lei vor der Leinwand stia,
den sieht ma in letzter Zeit o öfter wandra gia.
So nimmt er ou oft sei Enklkind mit,
des holtet ihn glei dopplt so fitt.
D´ Elisabeth isch im Summer fleißig im Gewächshaus drinn,
so isch der Ertrag von Salat und Gemüse ou nit z´ gerinn.
Das enk nie fad werd hommer mitkriagt ,
auf des no a Raketa in a Himml fliagt.

Fam Nitsche Kurdoglu Gerald Brigitte

Dr Gerald tuat olli Werbung für sei Atelier mocha,
damit ou kema gnuag Leit z´bewundera vo d´Künschtler die tolla Socha!
Deis mit dena Öffnungszeita kenna mar nit verstiah,
wenn z´ersch telefoniera setsch vor´m außagiah.
Du wearsch ins deas schua erklära;
d´Fuirwehr losst an morz Böllar zu dir außa blärria.

Fam Schmid Robert Monika

Dr Robert tuat immer brav auf sei Haus schaua,
aber a Restrisiko bleibt wenn mas tuat neba dr Straß baua.
Hot Ihm decht a Auto da Gartenzein umrasiert,
deas isch so schnell gonga die Fohrerin hots no gor nit kett realisiert.
Aber gottseidank isch nit viel passiert,
und dr Zaun wor ow im handumdrehn wieder repariert.
Iaz wünsche mar enk viel Gsundheit und kuane Schada mia am Haus,
und hua dia Scheibe iaz erst recht weit durchaus.

Maidel Wilfried

Willi dei Haus, iatz isch es vollbrocht,
wenn mas so anschaut hosch du des guat gmocht.
Iatz konnsch mit dr Maria gmatli drin wohna
de gonz bugglarei tuat sich iatz für enk lohna.
Wenn ma kemma die Scheiba kassiera,
tat ma gern durch enker Haus marschiera.
Für die harte Arbeit und Schuftarei,
isch für enk zwoa a Raketen mit dabei.

Matt Christian

Sei Auto hat er gwechselt, des isch gwieß
des brauch weniger Sprit, wenn bisch am Ries!
So tuasch di als Arbeiter deklariera
und nebabei bei da Kammerwohla fescht engagiera.
A schians Foto ochalocht vom Wahlplakat - iatz tuat di jeder kenna
wenn tuasch ins Landeck umacharena.

Fam Matt Egon Annemarie

Vom Egon und dr Annemarie tia mar huira nit viel drofrog
mir kenn lei a Scheiba weit ocha joga.
A bissli ruhiger weards sein im Haus,
wenn der Patrick nit geat jeden Tag ein und aus.
Miar winscha enk nou viel Gsundheit
und schicke nou a Raketa aua gonz weit.

Heimhilcher Manuela

Manuela wohnt in Graf iatz schu viele Jahr,
des isch decht wunderbar.
Kenna tuat ma die im ganza Land, sall isch gwies,
du bisch ja oh olli am Ries.
Gsundheit, Glück unds aller Best,
wünsch ma dir heint bei inserm Fest.
A Raketa lass ma ietz steiga,
dass ma kenna negschts Jahr, mia Blödsinn schreiba.

Franz Elisabeth u. Friedrich

Mit dia paar Zeila wella ma ins amol beschwera,
vu enk kriagt ma ja überhaupt nix zum hera.
In Zukunft miass ma wahrscheinlich an Spion engagiera,
um a paar guate Gschichta vu enk zu lukreiera.
Miar schicka iatz a Scheiba übern Berg,
auf dass ma im negshta Jahr, mia vu enk heart.

Ruetz Getrud

Gertrud du machsch ins nit leicht,
als erst schiass ma für die a Raketa ins Himmelreich.
Nit das du nuit angestellt hasch,
s` Dumme isch lei, dass es niemand dafragt.
Und so miass ma aufs negschte Jahr warta,
vielleicht hoba mir ja da, bessere Karta.

FA Streng

Mit'm Winterdienst wor huira nit viel z'tian,
drum hob dia Loder und Auto miaßa in der Garage drin stiahn.
Iatz sein sie ober wieder ummanond
Und hob z'fiahra ollerhond.
Mit Eard, Schotter und ou Kies,
sein die gelba Auto iatz wieder auf'm Ries.
Fürs Johr winscha miar, daß s'Gschaft guat loufa tuat
Und hola zur Scheiba ou nou an Böller aus d'r Gluat.

FA Walch + Plangger

Bei dr Firma Walch und Plangger des isch klor
da geht's um Wassertechnik fürwahr!
Wenns Wasser vo Sanna durch Turbina louft, tuat sie des schua rentiera,
kenns es ins da ou berato oder deis garantiera ?
Miar winscha enk viel Gschaft fürwohr,
d'Fuirwehr schiaßt enk a Raketa in Himmel aua , eh klor.

Schröcker Evelyn

Hallo Evi, loss die mal öfters bei ins blicka,
damit mar ou kenna beim Scheibaschloga wos berichta.
Ou auf der Bank, tia mir nix lustigs dr'froga,
du wearsch eppa als huamli mit dir umatroga.
Miar wella die aber nit länger ploga,
und tia die Scheiba weit außa joga.

Fam Schröcker Hermann & Frida

Dr. Herman, der hots wirklich guat,
hot er decht in dr Familie alls Weiberleit, wo ihn sicher jede versorga tuat.
So kann er ou zur Tochter ins Zillertal fohra,
und Gald fürn Urlaub spora.
Mir winscha enk nou s'allerbescht,
und iatz gibt's nou an Böller z'letscht.

Bar Melody

In d'r Bar Melody in Graf isch es olli fein,
da kearsch gera auf a Bierli ein.
Ma sieht ou öfters a paar Fuierwehrleit a Bierli trinka,
und gleichzeitig am Dartautomat die Lichter blinka.
An Böller lassa m'r no explodiera,
dass weiterhin so viele Gäst in die Bar Melody marschiera.

Fam Hotz Martin & Maggi

Lei darhuam sein, deas kannsch vergessa.
Ma mecht holt o amol Stroßaschilder mit ondere Sprocha leasa.
Deas hoba sich ou die Maggie und dar Martin denkt,
und iatz weard an mortz Wohnwoga durch die Lande glenkt.
Da kann ma Reisen ganz flexibel plana und loas starta wenn ma will,
und wenn eas kua Luscht habts nocha steaht holt dar Woga still.
No a Nachricht gibt's huira mitzumtoala,
dar Martin hilft iatz in Brugga in dar Kiarcha beim Hostie vertoala.
Miar hoffa eas hobats bei enkare Reisa Spaß,
und schicka a Scheiba, aucha aufs Gas.

Nöbl Markus

Di nextsche Scheiba tian ma weit ausi schiaßa
und damit in Markus bei ins begriaßa.
Mir haba keart du tuasch oft auf Imst ouifohra,
ja wo die Liebe hinfallt kann kaoner sogä.
D'Arbeit in Landeck, d' Freindin in Imst,
da hosch ganz schian ztian dass aui und oui kimmsch.
Mir winscha enk zwoa a schiane Zeit,
viel Gsundheit, Glick und Zfriedaheit.

Hotz Monika

Von der Monika tia miar huira nuit dr' froga,
und so wella mar si gor it long ploga.
Mir winscha dr viel Gsundheit im nuia Johr,
und schießa nou an Böller fürwohr.

Hönl Norbert

Dia Scheiba isch aussu aus der Gluat,
mir hoffa es geaht da guat!
Gsundheit, Glück unds aller Bescht
Wunsch ma dir bei inserm Fescht.
A Scheiba fliegt aussa für die ganz weit,
bis zum nächsta Schloga , wünsch ma die a schiane Zeit.

Hotz Lydia und Beate

Dass kuan Mann brauchsch zum dr'holta für soa Haus,
Lydia und Beata kenna sie da aus.
Dia zwoa holta die Hitta in Schuss
d'Fuiwehr schießt en a Raketa, dass nit hobat's an Verdruß!

Hotz Hannes

h.o.hotz & siess gmbh

Geat's um Innenarchitektur oder Hochbau

da bisch du richtig bei der Firma gonz genau.

Wer enk sucht der braucht nur ins Lanteck springa,

do kann enk jeder finda.

D'Fuirwehr winscht enk viel Erfolg und iatz zum Schluss,

gibt's a schiane Scheiba mit ama morz Schuss.

Fam Hotz Oskar Edith

Übern Oskar und Edith wissa ma huira nit viel z'berichta.

Drum kenna mar ou nit viel dichta.

Auf'd Enkala hoba is a morz Stolz,

die sei ou gschnitzt ausama guata Holz.

D' Fuirwehr winscht enk nou viel Gsundheit,

und die Scheibe schloga mar außa gonz weit!